



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnaburgensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

Ordo & Caeremoniae Synodi.

urn:nbn:de:hbz:466:1-14298

I N D E X

eorum, quæ in hac Synodo continentur.

Ordo & Cæremoniæ Synodi.

Constitutionum Synodaliū

- CAP. I. De distinctione Diœcesis Osnbrugensis in certas Regiunculas seu Decanatus.
 CAP. II. Designationes Decanatum.
 CAP. III. De constitutione Decanorum ruralium.
 CAP. IV. De successiva mutatione & nominatione Decanorum.
 CAP. V. Forma iuramenti Decanorum ruralium.

CAP. VI. De Officio Decanorum ruralium.

CAP. VII. De congregationibus Capitulum.

CAP. VIII. De Camerariis.

CAP. IX. De constitutione Camerariorum.

CAP. X. De festis Conceptionis & Annunciationis Deiparæ solemniter cum publica gratiarum actione celebrandis.

CAP. XI. De habitu Clericorum & usu Romano.

CAP. XII. De mendicantibus.

ORDO ET CÆREMONIÆ
servatæ Synodi.

Erit secundâ post Oculi, pridie ejus diei quo celebranda erat Synodus, ab horâ quintâ pomeridianâ usque ad sextam per omnes civitatis Ecclesias compulsi campanarum factum est initium Synodi, alterâ die celebranda, &

piorum mentes excitata ad gratiam Dei pro felici auspicio & profectu diligentius implorandam. Insequente die, quæ erat quinta Martii, circa horam octavam campanis summe & dis concrepantibus, Reverendissimus & Illustrissimus Episcopus & Princeps Osnbrugensis, &c. indutus habitu Episcopali, cappa & rochetto, ex domo Residentiæ, Clero procedente, & ordine alias servato, ad Cathedralē Ecclesiam processit. Ingresso in templum Reverendissimo & Illustrissimo Episcopo & Principi aspergillum præbuit Admodum Reverendus & Prænob. Dominus Sixtus à Lianhema, Præpositus Cathedralis Ecclesiæ Osnbrugensis; quo sibi primum, deinde aliis prope circumstantibus, Cathedralis Ecclesiæ Canonicis, aquam lustralem aspersit Reverendissimus Episcopus; ac deinde per gradus ascendens, in chori vestibulo ad primum Altare venerabilis sanctissimum Sacramentum adoravit; deinde ad chorum progrediens, thronum ac baldachinum in eo præparatum ascendit, expectans donec Admodum Reverendus D. Abbas Monasterii S. Clementis in monte Iburgensi, Sacrum pro felici auspicio cantaturus, in pontificalibus procederet. Cantatum vero fuit ab eodem Domino Abbate Sacrum de S. Spiritu solemniter; cui ut ministri servierunt ipsius Ecclesiæ Vicarii Sacerdotes.

Divino sacrificio finito subjuncta fuit Antiphona, Exaudi, &c. quam Admodum Reverendus Abbas Iburgensis, pluviali indutus, excepti oratione, Adsumus, &c. ante medium Altare clara voce pronunciatâ, subinde inchoato Hymno, Veni Creator, &c. Reverendiss. & Illustriss. uti & Clerus, ordine suo processit ad Capitularem Aulam majorem, locum Synodo deputatum; Hymnum verò subsequente sum Litaniæ, ex Pontificali Romano; quas Oratione clausit dictus Abbas Iburgensis.

A Diacono verò cantatum Evangelium diei tertiæ Synodi ex Pontificali Romano; quo per Reverendissimum & Illustrissimum osculato, ac incensatione in suam Celsitudinem subsecuta, signum datum est à Domino Vicario Episcopali, ut sessum omnes caperent.

Omnibus confidentibus, Reverendissimus & Illustrissimus Episcopus, conceptis ex Romano Cæremoniali verbis, præsentem in Synodo est allocutus, FRATRES, &c. ac deinde per Dominum Vicarium generalem indicio dato, Reverendus P. Paulus Rotmannus, Societatis Iesu Theologus & Ecclesiastes Cathedralis Ecclesiæ, à Reverendissimo & Illustrissimo licentiâ petita, & flexis genibus acceptâ benedictione, ex suggestu Orationem Synodalem habuit, personis & tempori convenientem.

Oratione Synodali finita, Reverendiss. & Illustriss. Episcopi Vicarius in spiritualibus ex mandato suæ Celsitudinis, assurgens, præsentem Synodum est allocutus, monuitque ut ad statuta Synodalia prælegenda diligenter attenderent, quæ, ex manibus ejusdem Reverendissimi & Illustrissimi Episcopi reverenter accepta, R. D. Conradus Buirer, in Cathedrali Ecclesiæ Vicarius & Curatus, ex suggestu publicè legit.